

Sanaartugassanut neqerooruteqartitsisarneq pillugu Namminersornerullutik Oqartussat kaajallaasitaat ulloq 1. oktober 2000-imeersoq

(Pisortaqarfinnut tamanut taakkunungalu atallutik suliffeqarfinnut, ilanngullugit suliffeqarfinnut namminersortitanut sanaartornermik ingerlataqartunut tapersiissuteqartartunulluunniit)

§ 1. Kaajallaasitaq una Namminersornerullutik Oqartussat sanaartortitsinerinut taakkunungalu atasumik pisaaannut atuuppoq. Kaajallaasitami matumani pisiaanut tunngatillugu "sulinerit" tassaatinneqarput pisiarinninnerit (sullissisorlu tunisaqartutut paasineqassalluni).

Imm. 2. Sanaartugassatut suliassanut Namminersornerullutik Oqartussat tapiiffigisaannut, utertitsissuteqarfigisaannut, taarsigassarsisitsivigisaannut qularnaaveqqusiivigisaannulluunniit imaluunniit Inatsisartut ukiumoortumik aningaasanut inatsisaatigut tamakkiisumik ilaannakortumilluunniit aningaasaliiffigisanut kaajallaasitaq atuuppoq.

Imm. 3. Neqerooruteqartitsineq sioqqullugu pisiassat inniminnerneqartussat kaajallaasitami pineqanngillat.

§ 2. Neqerooruteqartitsinerit "Kalaallit Nunaanni sanaartornermi suliassat atortussallu tunniunneqartarneri pillugit ataatsimoortumik piumasaaqatit" (AP) malillugit pisassapput.

Imm. 2. AP-mi piumasarisaniit allaasumik iliortoqarsinnaavoq taamaallaat taamaaliornissamut immikkut pissutissaqaraangat. Allatut iliornissaq pillugu aalajangersakkat pisuni ataasiakkaani neqerooruteqartitsinerimut atortussani erseqqissumik allassimasassapput.

§ 3. Suliassaq tamanut ammasumik neqerooruteqartitsissutigineqassaaq. Taamaattoq kille-qartumik neqerooruteqartitsineq (tamanut ammasuunngitsumik) atorneqarsinnaavoq tamanna § 6-imi taaneqartutut immikkut pissutissaqarpat, suliqartinniakkat ilisimatereerlugit neqeroorute-qartitsineq § 7-imi taaneqartutut taamaallaat pisinnaavoq.

Imm. 2. Akiligassanngortitamik sulisitsineq imm. 1-imi pineqartunut ilaangilaq. Akiligassan-ngortitamik sulisitsineq atorneqarsinnaavoq taamaasiornissamut immikkut pissutissaqarpat imaluunniit suliq 300.000 kr.-it sinnerlugit naleqanngikkaangat.

§ 4. Tamanut ammasumik neqerooruteqartitsinerimik pineqarput tamanut ammasumik

suliariumannittussarsiuussineq kiisalu suliassat tamakkerlugit tamanut ammasumik neqerooruteqartitsineq.

§ 5. Tamanut ammasumik neqerooruteqartitsinerni kikkulluunniit neqerooruteqarsinnaapput.

Imm. 2. Tamanut ammasumik neqerooruteqartitsinerit katillugit 5 mio. kr.-inik taakku-luunniit sinnerlugit nalillit aviisitigut nuna tamakkerlugu saqqummersartutigut nalunaarutigineqartassapput. Suliat 5 mio. kr.-it inorlugit naleqaraangata neqerooruteqartitsinerit najukkami aviisitigut allagarsiinikkulluunniit nalunaarutigineqartassapput imaluunniit neqerooruteqartitsisup nammineq aalajangertarsinnaavaa nalunaarutiginerini aviisit nuna tamakkerlugu saqqummersartut atussanerlugit.

§ 6. Killeqartumik neqerooruteqartitsinermi pineqarput toqqaalluni suliariumannittussarsiuussineq aamma suliassat tamakkerlugit killeqartumik neqerooruteqartitsineq.

Imm. 2. Killeqartumik neqerooruteqartitsineq atorneqarsinnaavoq suliffeqarfiit aalajangersimasuunnaat suliassap suliarinissaanut pisariaqartumik pisinnaassuseqarpata imaluunniit pisariaqartumik immikkut ilisimasaqarpata.

§ 7. Suliaqartinniakkat ilisimatereerlugit neqerooruteqartitsisoqarsinnaavoq

- 1) suliassat annertussusii, pitsaassusissaat imaluunniit qaqugu naammassineqarfissaat neqerooruteqartitsinermi tunngavigisani aalajangerniaruminaatsunut, soorlu sanaqqitassanut, iluarsagassanut allanngortitigassanullu,
- 2) suliassanut 500.000 kr.-inik imaluunniit taakku inorlugit nalilinnut,
- 3) suliffeqarfik ataasiinnaq suliassap suliarinissaannut pisinnaappat, imaluunniit
- 4) immikkut allanik pissuteqartumik suliffeqarfik aalajangersimasoq toqqarneqarsimappat.

§ 8. Tamanut ammasumik suliariumannittussarsiuussinermi akikinnerpaamik neqerooruteqartoq tamatigut tiguneqartassaaq, tassa neqerooruteqartitsisup nalornisoorutigineqarsinnaasut nalilissammagit suliarinnikkumasoq sorleq akikinnerpaanersoq aalajangersinnaajumallugu.

Imm. 2. Neqerooruteqartitsisoq neqeroorutip appasinnerpaap tiguunngitsoornissaanut pisinnaatitaavoq suliarinnikkumasup suliassaq naammaginartumik pitsaassusilimmik, naleqquttumik piffissarititaasorlu eqqorlugu suliarisinnaanngikkaa ilimagilluinnaruniuk. Neqerooruteqartitsisup neqeroorummut itigartitsinerminut pissutigisaa allakkatigut nalunaarutigineqassaaq.

§ 9. Toqqaalluni suliariumannittussarsiuussinermi allamik aalajangiisoqassanngilaq taamaallaat akikinnerpaamik neqeroorutaasoq tiguneqarsinnaasoq.

§ 10. Suliassat tamakkerlugit neqerooruteqartitsinermi neqeroorut suut tamaasa ataatsimut isigalugit piukkunnarnerpaatut naatsorsuunneqartoq tiguneqartassaaq.

§ 11. Tapiissuteqartutut oqartussaasup isumagissavaa suliassap neqerooruteqartitsivigineqanera pisinerlu kaajallaasitaq naapertorlugu ingerlanneqassasoq.

Imm. 2. Sanaartugassani suliassat tamakkerlugit suliarineqarnissaannut isumaqatigiissute-qartoqannginnerani Ineqarnermut, Attaveqarnermut Pilersuinemullu Pisortaqarfik, Postboks 909, 3900 Nuuk, suliassat suut pineqarnersut sanaartugassallu qanoq akeqarnerat pillugit ilisimatinneqassaaq.

§ 12. Kaajallaasitaq 1. oktober 2000 atortuulerpoq, ullullu tamatuma kingornatigut suliassanut pisianullu neqerooruteqarfigititanut atuulluni.

Namminersornerullutik Oqartussat, ulloq 26. september 2000.

Steffen Ulrich-Lynge

/

Jens K. Lyberth